

Odbijanje Parlamenta BiH da po hitnom postupku razmotri zakonsku regulativu odašilje negativan signal u pogledu suradnje sa Krivičnim tribunalom u Hagu

Ovog tjedna odluka Parlamentarne skupštine BiH da zakonske amandmane u vezi sa budućim suđenjima za ratne zločine u BiH ne razmatra po hitnom postupku će odgoditi početak suđenja za ratne zločine u Bosni i Hercegovini. OHR je zabrinut da ovo upućuje veoma negativan signal u pogledu opredijeljenosti BiH za potpunu suradnju sa Hagom.

Predloženi amandmani na zakon o sudovima, tužiteljstvu, krivični zakon i zakon o zaštiti svjedoka bi, kada bi bili razmatrani po hitnom postupku, omogućili da se početkom naredne godine izvrši transfer predmeta iz Međunarodnog krivičnog tribunala za ratne zločine počinjene na teritoriji bivše Jugoslavije (ICTY) u Posebni odjel za ratne zločine pri Sudu BiH.

Oba doma Parlamentarne skupštine BiH su odbila da po hitnom postupku razmotre set zakona kojim se regulira budućnost suđenja za ratne zločine u Bosni i Hercegovini. Ako se ovi amandmani ne usvoje do kraja rujna, Posebni odjel za ratne zločine neće moći početi funkcionirati u punom kapacitetu do ovog roka.

BiH mora napraviti veoma značajna poboljšanja u svojoj suradnji sa ICTY koju je visoki predstavnik opisao kao "potpuno neadekvatnom". Odbijanje da se ovi amandmani razmotre po hitnom postupku ugrožava napredak BiH ka integraciji u

Euroatlantske strukture. "Ovakav razvoj događaja odašilje izuzetno negativan signal; ovo je hitno pitanje koje Bosna i Hercegovina mora odmah da riješi", rekao je visoki predstavnik danas.

OHR apelira na bh. parlamentarce da učine sve što je moguće kako bi se osiguralo da ispune ovaj rok i usvoje ovaj paket amandmana prije kraja rujna. Ne bi se moglo tolerirati da budućnost ove zemlje i njenih građana bude ugrožena od strane političara koji kratkoročnu izbornu dobit stavljaju ispred reformi koje će donijeti dugoročnu dobit.